

ner / welche von den Lehren vnd Lehrern vr-
 theilen/vnd die verdammen/derer Bücher sie
 doch niemaln gelesen / noch viel weniger wis-
 sen / was der selben Lehre eigentlich sey. Nun
 hette es des langen beweißes/aus der schrift/
 aus Hieronymo / aus den Geistlichen vnd
 weltlichen Rechten/ vnd andern Scribenten
 durchaus nicht bedürfft: Denn Gott lob vnd
 danck / wir selbst solche vnbesonnene weise
 niemaln gebilliget/vn es ist anders war/was
 alhier von einem Prediger im Fürstenthum
 Lüneburg erzehlet wird / so stellen wir es auff
 desselben verantwortung. Allein einsbitte ich
 ganz freundlich/ woll Herr Johan Münster
 wol beherzigen / vnd mich berichten / was er
 doch halte / von Johanne Sturmio/gewese-
 nem Rectore der Hohen Schuel zu Straß-
 burg/der vngescheuch das Concordien Buch
 der aller greulichsten Keresenen in seinen
 Antipappis beschuldigt / vnd gleichwol aus-
 trücklichen vnd zum offtern in öffentlichen
 Truck bekennet / Er habe dasselbe niemaln
 gesehen / noch viel weniger gelesen. Auff den
 fall ein solch antwort gefallen möchte/Stur-
 mius hette solches aus anderer seines theils
 fürnemer Theologorum Schriften genom-
 men / welchen er billich glauben zugestellet /
 vnd also vnnötig gewesen / selbst das Con-
 cordien

Antipappi
 4. part. 2. p.
 5. 9. 76. 132.
 138. 190.

B

cordien